

كریم الحجیری

لِسَّهْ بَاقِی

أشعار

الطبعة الأولى 2017

بطاقة الكتاب

عنوان المؤلف : كريم الحجيري
المؤلف : لسه باقى
التصنيف : أشعار
رقم الإيداع : 23902 - 2017
عدد الصفحات : 92 صفحة
رقم الإصدار الداخلى : 69
تاريخ الإصدار الداخلى : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 58365
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣

الإهداء

الى اخوتى واصدقائى في الحياه العمليه

واصدقائى عبر وسائل التواصل الاجتماعى الذين دائما
يدعموننى بكل الحب والتقدير دون مجامله

والى اصدقائى الشعراء الكبار الذين نتعلم منهم الكثير
وتشجيعهم لي

واهداء لجمعية رواد ثقافة أمل دنقل لدعمها لكل المواهب
الصاعدة والوقوف بجانبها

والى شعراء بلدى (قفط) ..محافظة قنا

واهداء خاص للكاتب الاديب / يحيى ابو عرنديس لوقوفه
بجانبى وظهورى للوسط الادبى

كريم الحجيرى

نفس القضية

نبره الصوت اللي طالعه
وصلت كل المعاني
قولت الـ الـ الـ الـ الـ واجعه
الاغاني قلوبنا بتبكي فيها
كنتي حبيبتي في غربتي
وناسي في وحدتي كنتي
بعدي عنك مش شويه
رجعيني واقبليني
كرهيني في الغربه يوم
والغربه فيا كرهني
متخلنيش احن تاني

الدموع غمت عنيا
لجلك انتي يا بهيه
لجل ما تعيشي البقيه
متغربيش حد تاني
خلي الولاد يحرصوكي
وبالامل يحضنوكي
متدفعيش للغربه ديه
حسي بيا دا انا ليكي
وباقيه ليا
حسي بيا جوا منك
وانا بزرع وبقلع في ارضك
اخويا في الارض ديا دم
ومحستيش
هديه راح فداكي ولاد

شباب مكمّش الدرّاسه

دمه موجود علي الكرّاسه

وطفل مستتي العيديه

الغربه في حسناها

واحنا جواكي يا بهيه

يا فرحه

يا فرحه مش هتحنى

وف يوم هتجيني

ف الحزن سابق سنى

عنيا حرقانى

والدمع بقا معايا

واشتكى الننى

يا نصيب بقى كفايه

كتر البكى قتلنى

والحزن خلانى

ما ابص فى مرايا

والفرحه اللي خذلتنى

حكايتها دي حكاية
مش ناويه ليه تحني
وتفرحي معايا
انا اللي محتاجلك
مره ويايا
بعديه طول عمرك
تعال لي لحظه جويا
شوفي اللي حصل منك
وابكي علي بكايا

يا مسئولين

يا سياده الرئيس

يا سياده الوزير

يا سياده القاضي

راعوا الفقير

حقنا عندكم يا مسئولين

ولا عند مين

حق الغلابه كلته الديابه

والحرامي بقي من الشقيانين

العيشه غليت

والفقير اتعدم

والحلم مات

وفي الهم اتردم
نفسنا في اجابه ومتقولوش نعم
نعيش ازاي والدنيا قسيت
والصبر راح وجيوبنا فضيت
والعيال من بدري شقيت
هي مش عيالنا زي عيالكم
نفسها تاكل وتلبس كمان
وما ينامش فيهم واحد جعان
وتتعلم مش في الشوارع واللومان
ولا اتخلقوا لخدمه جانبكم
يا سياده الرئيس يا سياده الوزير
الحق فين

ادلعي ..

ادلعي

علي قلب حبك من سنين

علي قلب شايلك فرح

وطول عمره جواه حزين

ادلعي

من جواكي جزن ال شال

وزرع بداله حبه امل

بتروي زرعه جواكي طين

تزيدي همه بالوجع

وتقتلي حلم عايشه

ولدعاكي بيقول امين

تستعبدیه

وتشوفي فرحك في ألمه

وع الدلع حالفه 100 يمين

اكنه عاشق للعيون

سايقه الدلال بالقوي

وجايه عليه

هو انتي مين

ليه ال حبك جوا منه

بتدلعي عليه

بتقسي ليه

ملعون دا اسمه الحنين

ادلعي

ابن بطني

يا ابن بطني بترفس جوايا ليه
مستعجل يا ابني علي النزول
بكره تشوف كان سجن بطني
ولا بيسموها ايه
الضني ... غير اسم الدنيا
عمرها ماتكون حنونه
كبيرها هتعد همك
وتكبرك بسرعه في يومين
وتعجزك وتجنك وتشيك
مش بعيد ينادوك
يا ابن ال

ايوه ابني وابن بطني

في عز ضعفك

انا الحنونه

وانا المجنونه بيك

9 شههور يا ريتهم سنين

امي يا عضمي القوي

ربت لنا الكتوف

من بطنها قدمت لي الكفوف

امي ال لابسه للدموع طرحه

امي المسافه بين الحزن والفرحه

امي الطير علي الشجر

عمرها ما كانت جارحه

فجأه خدها المطر ومستني انا لمحاه

أحكم يا قاضي

أحكم يا قاضي

هز ببيان المحمكه

الظلم ليه اصبح اقوي

والحق أخره المشنقه

ليه القوي جاي ع الضعيف

وليه القلب اصبح خفيف

وف حكمه يكتب 100 سنه

هو ال شقيان ع الرغيف

مش ناوي ياكله بالهنا

هو ال عرقان ماله جوف

مش جايله يوم يملاه الغني

افتح بيان المحكمه
علي اصوات الدفاع
احنا الغلابه ما بين حيطان المسجنه
متشردين وسط الشوارع
لا هدمه علينا ولا حتي لقمه
اتكلم واحكم عننا
قول الحقيقه
ايه ال جبنا في يوم هنا
غير مد ايدينا للكبير
والطفل نقوله يا عمنا
احكم يا قاضي
علي الشحاتين المتسولين
انطق ومنك للسما
راضي بحكمك لو كان قوي

ادينا حلم نمشي وراه

ولو هنخطي الافدنه

وان كان مصيرنا

برضوا السجون

احكم بقبر يلما

إحنا مش إرهاب

احنا مش ارهاب
ولا كارهين روح تعيش
ولا بنفجر ولا بنفكر
غير في اكل العيش
انا بعمه وطقيه
والجلايه
خيطهالي مينا وجرجس
م هما الترزيه
يشهدوا عليا وعارفين دمي
ما يتلطف في الأذيه
احنا القناويه

واللى قتل مش مننا
ولو كان بيحمل اسمنا
وسمنا ما يموتش غير جرحنا
وفرحنا لما الجوامع والكنائس تلمنا
احنا القناويه
مش ذنبنا
عالم بيطلع مننا
بتبعده عنا
واللى فشل بسبب البطاقه
كلبش واحد بيلمنا

إحنا مش حرس

احنا احنا

مش حرس علي الحدود

واقفين مسلحين بالمدافع

وم العدو خايفين نموت

بدافع احنا صامدين رجاله

الشرف والصغار اللي في البيوت

يا بلد فداكي الولد

وللشهاده اهو جي المولود

اسهد يا شارع اني بموت

وكنت راجل في معركة البارود

وان كسرنا العدو اللي جاي وفاجع

عليك يا شجر التوت
صواريخ ونار وضرب رادع
صدناه بالنبوت
وعشقنا الموت لجل الحياه
انطق يا نخل انا ياما تحتك قولت آه
وشوفت الموت
اشهد يا نيل العدو راجع
الشوك مزروع علي الشطوط
كترت سفنهم بس فينهم
دا اللي عاش اسم البارود
الميه تشهد علي هزيمتهم
اللي عاش منهم ماكلش توت
واحنا مش حرش ع الحدود
واقفين مسلحين بالمدافع

ومن العدو خايفين نموت
احنا واقفين رجاله بدافع
الشرف والصغار اللي في البيوت
والله رجاله يا بارود

آل شمتان

آل شمتان يا مصر فيكي

امسحيه من شهاده ميلادك

اوعى تهزى رمش فى عنيكى

وتنطقى وتقولى ولاداك

كبرى دماغك يا غاليه

وطنشى ابن عاصى

شمت فيكى

وغرق نفسه فى المعاصى

سب فيكى علشان ماتش كوره

إل جاب ابوكى فى غاره

فجأه نباتك

اتحول جمادك

قلبك علمتیه معنی الشطاره

یوم یکبر...یدوس علیکی

یوم ماینطق...یسب فیکی

نسی امه آل معروفه

باسم الحضاره

نسی هر مه آل بنوه جنوده

نسی علمه آل رفرف

وعرفه بلده وحدوده

آل شمتان یا مصر فیکی

ادفنیه بره منك

بره ارضك

آل شاف جرح بینزف

وقال علیکی دا لانتك

متسحيل يكون دا ابنك
أل داق في مره شهدك
عمره ما هيكون في لحظه مرك
أل شايف غيرك احن
يفتح جناحه للغربه جايلك

المغروره

اتدلعت والسن بقي 24

حست قطر الزواج فاتها

افتكرت لحظه من سنين

لما ولاد الحلال جاتها

وكانت حالفه 100 يمين

مترضي بحد

بييني في نفسه والمسكين

فجأه اتهد بكلمه منها

ورجع مكسور علشان طلب اليد

وغيره وغيره

مفيش واحد ملي العين

ولما الباب مطرقش بجد

سرحت جواها

وراح بيها الحنين

امتي يا جي واحد من الاتنين

قدامها وتشوف راجل مره

بقي حلمها يا اه

بعد ما كانت مستكبره

مفرقش معاها يبقي مين

ابن وزير

ابن غفير

حليت في عنيتها ميه الزير

نفسها تشرب مش طايله

وغرقانه في بير متعشمه

يا مغروره هقولك شئ

ميه النيل ميه البير
هتروي العطشان
لو جواكي الزره لساه حي

إمسك حرامي

إسمع يا صديقي الصغير
خلي بالك صغر سننا بيسرقوا مننا
بكبرهم وبوضعهم والرد فعلا اننا
عيال طايشه ع الحلم عايشه
وحلمنا حتي بيقولوا عنه مش حقنا
قال شاعر وقلم
تريقه وحصار يبكي الندم
نحضن الم وهو دا ملكنا
متقولش بكتب شويه مشاعر
دوان شاعر
لما انت شاعر حس بالكبير

وقوله يا عمنا
احكي لي حالك
وانت هتلاقي كلامك طائر
ومعمول قصيده
وتشبه سنك مش سننا
ساعتها هتعرف مين فينا شاعر
ومين يتقاله يا وضعنا
تكتب ما تكتب قلم جاسوس
تحت القصديه هيكب اسمنا
امسك حرامي
هتقول كلامي
هيرد غيري انت مين
هو انت تذكر في فننا
انا شاعر واكبر منك يا ولد

كم قصيده عندك
هتضيع بيهم وقتنا
يعني ايه سرقنا منك
م انت في زمن كلها زينا
تعمل قصيده تعمل ديوان
بس اكتب عليه حلمنا

أنا الصعيدي

اللي توب الرجوله توبي

انا ابن البلد من يومي

انا المجند في جيش وطني

واقف اسد حامي حدودي

انا الصعيدي

اللي سيد الرجال جدي

انا اللي شقيت

وانا اللي بنيت

وانا اللي اتصدر للعدو صدري

انا الصعيدي

وأسألوا التاريخ عني

لما زرعت

ولما جنيت

مكنش في البلد قدي

انا الصعيدي

سلاحه نبوته

انا اللي غسله مشنا بنونو

انا اللي ثروته ف قوته

وف وسط النار بجيب زادي

انا الصعيدي

وعزوتي ولادي

وديني الشرف ويشهدوا بناتي

انا اللي عرقه ع العين نازل

وايده في الشقا يوماتي

انا الصعيدي

بقولها وانا رافع راسي

قالوا عليا كثير

تريقه و علي نياتي

ميعرفوش فيا الخير

وطبعي للطيبه وراسي

أنا المصري

ليه الدنيا بقت ماضي
وليه الامس صبح بكره
كل يوم يموت لينا حلم
وتتهد لو تكون فكره
انا عايش كما المجهول
ولا يوم لحظ اطول
فيها يدوب نكره وبقيت
انا المصري انا وجدي
ليه بتقطعوا ودي
وبتहारبوني ع الذكري
ابويا في الحرب اهو مات

وجنودي ع الحجر علامات

ف قلب الارض ع الصخره

ليه حالي بيتدهور

منور ليه علمي ماهو

طريقنا الزار والحضره

منيش درویش

انا مصري انا مصري

انا الجندي

وانا المذكور في قرآنه

انا الشهيد فدا بلاده

لجل تكون حره

ليه دوسنا ع ماضينا

ليه بيعنا اراضينا

والعلم ماهوش فينا

وبنحلي دلوقتي في المره

انا الحاضر

وانا المغلوب علي امره

لا عارف عشت كتير

ولا كم جه من عمره

لا شايف لشمسه نهار

ولا ليل يكون قمره

انا المحشور داخل جره

جواها سواد في سواد

انا المصري ودا حالي

مستني يادوب نظره

إنتي إلی اخترتی

انتي اللي اخترتي

تحبي واحد عيشته بسيطه

لا عنده شركه ولا حتي تركه

والتكيف عنده ضل حيطه

لا عمره حب قبلك

ولا يعرف سمرا ولا بيضه

ويوم ما قابلك

معرفش يلبس ايه

كل هدومه سوده

قلع عشائك هيبتة

ونسي انه صعيدي

والعمه بقت برنيطه
ونسى السواد اللي ف هدومه
كان نفسه يعجبك وتنسى فقره
مخفش من حد يلومه
وانتي صدقتيه وعملتني عبيطه
انتي اللي اخترتي
تحبي واحد عيشته بسيطه
متسبببهاوش
لو جاتله فرصه يسعدك
مش هيخل ثانيه
بس الايد قصيره

بكتباك

بكتباك وقلبي مش راسي علي مرسى
كأنه مركب مش لاقى شط عشان یرسى
شوفتها وعرفتها كأنها عارفانى
وف قلبها دليل لعنوانى
كلمتها بقلبي قولت لها حسینی
كلمه بحبك مش واخده علي لسانى
عشان اقولها محتاج كتیر
محتاج احبك
ما هو ف القلب كلام واللسان كلام تانى
حبیتها وربى یعلم
حاجه جوايا ف القلب وجعانى

بقت حياتي بقت روحي
 لو خرجت ما فيش حياه ثاني
 عشت الحب وياها
 وف لحظه البعد خلاني
 اعيش الدنيا عذاب وموت
 بس عشان حبك
 اعيش واموت 100 مره ثاني
 قالتلي ابعد وياريت تفهمني
 فهم عقلي بس ف قلبي
 رصاصه ما ألماني
 اصل وجع الدنيا اااه
 ووجعي منك ب 100 ااه ثاني
 كتبت الشعر عشانك
 بتمني يكون نسيم وفاح ع مكانك

مش عتاب والم لعذابك
دا جزن وجرح قلبي لبعادك
حببت إسمي مع اسمك
وجوه القلب انا راسك
وبنبض القلب انا بحسك
حلفت بربي م انا ماسك
وحياه من خلق اسمي واسمك
ف حياتك هكون انا مقاسمك

بنت الناس

بصي يا بنت الناس
انا لا بتاع حب ولا احساس
انا عايزك ليا وهشيلك ف العين والراس
اصل العشق فاض بيا خلاص
هروح لابوكي وافقوله يا عمي
عندك بنت نعم الاخلاص
صانت عرضك وسط الناس
وخلت صورتك ورده في برواز
وانا جايلك وخايف اداس
ترفض طلبي واعيش محتاس
عايز بنت ست الناس

تكون لي حلاي وتاج ع الراس
بأذن الله هاتكون متصانه
ما هو تربيتك ليها حصانه
وانا يدوب سطر في كراس
البت اصيله ومهرها ماس
تقدر تدفع يا بن الناس
عيني يا عمي اطلب بس
هي جواه ف قلب
وقافل عليه ب 100 تراس

جوه القلب

جوه القلب متربعه
وبالحق ملكيش شريك
واخذه الروح مني
والجسم مستني ايدك
القلوب بتحب مره واحده
ونا قلبي حبك مرتين
حبك قولتله لما شوفتك
وحب مدسوس ف العنين
مستحيل ابدأ اسيبك
وانسي اقوله اني حبيبك
مش هخون حب السنين

متقوليش بعيد عنك
ونا قلبي مشتاقلك حزين
مستني يوم يكون بقربك
يشوف فرحتك ع الخدين
نفسى اوصف حبي ليك
يا ملاك علي هيئه بشر
ماسك لي فرحه ايده
حالف بحبه ينتصر

حبة مشاعر

حبة مشاعر خلوني شاعر
قفلوا البيبان و خلوني اعافر
افهم كلامي وخليك فاكر
اللي بقوله حبه مشاعر
لا عايز لقب ولا حتي اتشهر
اسمع احساسي اللي بيه شاعر
كنت بسرح في عونها وسافر
وحلمي هيتحقق معاها انا كنت فاكر
طلع الوجع من نصيبي وعملت ناكر
والعيون بتكذب وتكابر
كتمت دموعها جوا منها

ولمعت سمواتها متقولش فاجر

شلال دموعها قالوا لساني

حبه مشاعر خلوني شاعر

من نظره عين

لو سألوني ف يوم عنها

هقول مواويل

ولا تكفي

انا لو كفي لمس ايديها

يزيدني حنين

لو غنيت صوتها يكون لحنى

وانا محنى

رافعه بالادين راسى

فجأه تترمي فى حصنى

ولو انى بكون مهموم

بشوف الدمع فى عيونها

تشيل عني
تكون ضي في قلب الليل
تكون قمره
ف عز الشمس
تكون شجره
لو سألوني يوم عنها
هاقول مواويل
ولا تكفي
انا المنفي في بعدها
ولا شايف لليلي نهار
كما النفي ولها ذليل
انا كتفي شاييل حمل جبال
لو حطت ايديها عليا ثواني
توقل للدنيا خلاص كفي

حبيبى ياما شاف الويل
حبيبتي لو قولت كتير عنها
موصفش حبي ياناس ليها
لو قولت عنها قصديه في يوم
هكون غلطان
دي ميكفيهاش 10 دواوين
عشان اقول كلمه في عنيتها
واتكلم ع جمالها
هتقوله حزين دي بنت امير
ودا عاشق يشوف منها
اكيد مسكين
انا العاشق لنظرتها
لو كانت مين
انا السلطان

حلم محبوس

كان نفسه يعيش دنيته
كان فقره سارق ضحكته
الجيب ما حلتوش اللضا
والقضا داس عليه
من يوم ما تولد
حالف ليكسر جناحه بالقوي
واصبح نصيبه المرمطه
حوا الحوارى
تحت الكبارى
حلم محبوس تحت الغطا
على وشه كلام كثير

خطوط كثير معقده
من كثر الشقا
الوش دا بكا عيون متكبره
لايدين ممدوه بتدعي
ع المصطبه
كان حلمه يكون زيننا
نفس الملامح مننا
نفسه الزمن يستره
ويشوف ملامح الرضا
والفضا
يردد صوته فرحنه
مليون صدا
والقضا يقول كلمته
يشهد عليه

یوم ما کسر نفسیته
کان شایله یوم زی دا

ذكريات

يا ما وجعتيني وسامحتك

يا ما بعتي

ويا ما خنتي

يا اما قولتي ولا يوم جرحتك

ف البعاد كنتي قاسيه

وليا كنتي ناسيه

وانا اللي عايشه جوايا ريحتك

كم مره اطبطب ودادي

مره يتوصل ودادي 100

وبالايادي

تقطعيه دايمه بعندك

تقفلي كل الطرق
وتحبي البعاد
وتعملي يومين حداد
قلب حبك تترحمي ع
تدفني جواكي حب
وتدمري انسان ذنبه انه حب
كان عاشق
وللقرب بيقول يارب

زي زمان

في الصبح
بتمشي في غيطنا
وعنيا من السقعه تدمع
الزرع لحظته دبلان
كان نفسه صوته يسمع
ويقول زعلان
كان جدي عشقاه الارض
واقف ع طول وعرض
ويبيسط في تراها الاسود
ويساوي الحد
فعلا كان شقيان

ببيسد خديم من ناحيه
ويفتح خرار للميه
لا يموت زرعه غرقان
كان خيرنا طالع في نباته
كان غيظ عمران
وجريد نخلنا بيشكلي
انا شايفه واقف سارح
بيقولي مانيش طارح
معدشي امان
ولا حد يونس ضلتنا
ولطيبته تنزله طيابتنا
كده زي زمان

عد الضحايا

عد الضحايا يا وطن
اطفالنا صارت كالدبايح
وضيف عليهم اللي اندفن
واللي قاعد دمه سايح
فين الامان ولا الزمن
كتر جسسنا وبقي العفن
ريحه عندك من الروايح
كان طفل بيحلم بالهنا
نزلت عليه سواطير الدمار
كان زنبه ايه ؟ ... مهوش بشار
دا كان لمرجحته رايح

يا وطن عطشان بيشرب
دورت السواقي من دمانا
دم الضحايا في طرحك فايح
منيش سارح في نواحيك
وخايف اموت
دا انا محمي بيك
وجدري فيك لساه طارح
حن علينا بالامان
طيب قلوبنا وداوي جروحنا
وحشنا العيش ع المطارح
عد الضحايا يا وطن
اطفاننا صارت كالدبايح

عيب عليكي

لابسه يلختي ومتقمعه

ورافعه حواجبك ومتربعه

ولبسك هدوم متقطعه

عيب عليكي

لو قالولك ما حيلتنا غيرها

كنتي قولي عنها مرقعه

وعالخرج متسربعه

طالعه تسيري في الخلايق

وف مشيتك متقصعه

والشباك متلقحه

ف الشوارع ع القهاوي متصمبه

عمالین یرموا ف کلام
وحضرتک مستمتعہ
ولو حصل منهم کثیر
تقولی مش مطمعہ
مش ہا یصدقوکی
طول ما اللبائہ مطرقعہ
خلیکی فوق مترنحہ
وسط الورود متبسمہ
لو دبلتی شاریکی قاعد
ریحتک الحوہ مفحفحہ

فاکره یاما

فاکره یاما

لما کنتي بتحضنيني

کنتي فيا وجوه قلبي

کنتي يا غاليه ماليا عيني

کل مره بتشوفيني

کنتي بتملني عنیکي

زي مايکون اول مره تعرفيني

کنت بحرلم يوم بحضنک

وبحناتک تحتويني

کنت بتنفس مشاعرك

لما فجأه بتحضنيني

وبحناتك تحتويني
كنت بتنفس مشاعرك
لما فجأه بتحضنيني
اللي خلف لا مماتش
وانتي يالاه ربتيني
واقف اهو راجل قصادك
وانتي جيتي وحيثيني
وقتها حسيت يا امي
انك جايه تودعيني
بتوصيني ديما ببلدي
وان روحي هي ديتي
واما قرب وقت جيشي
يالاه نفسي تلبسيني
اصلو حالف مش هاسيبك

الا لما امسح دموعك
وقتها هتريحيني
حد يبكي وابنه جنبه
لسه محلفتش يميني
يالا يختي وصليني
روحي يا ولدي زي ابوك
مقالش عيبه
ولا كسر في مره عيني
هانفذ وصيتك يا امي
وهافدي وطني وديني
ولو قالوك انه مات
وصيتي ليكي تغسليني

قلب عليل

ليه لسه محتشي
وحاضنه ف قلبها الغربه
ليه مره محستشي
انها الفرقه
ان البعد بيدمر
وان الحب بيموت
لو قلونا ماهيش فارقه
ليه راكبه حيطان الغند
وماشيه عليها تتعكز
ليه سابت طريق الحلم
وسابت قلب بيحفز
وبقيت طيور جارحه

لا هي عارفه ضي الشمس
ولا ابوابها اللي مش فاتحه
ليه لسه محنتشي
ليه لسه محستشي
انها الفرقه
ليه حابه سواد الليل
ليه رافضه لطريقها دليل
مش سامعه ولا كلمه
كرهت فجأه حب سنين
ومش شايفه اسمه ع الدبله
مليون وعد ليه نسيت
وكرهت يوم ما حبيتها
بتجرح ف قلب عليل
كان نفسه يكون زوجها

لسه باقي

لسه باقي ليكي ذكرى
جوا منى ومداريها
جوايا لسه عايشه قصه
مش ها تكونى ماضيها
انتى فيها كل حرف
وكل كلمه بتحكي عنك
والخناق كان باين فيها
كل سطر يشهد بانك
بالغيره بتزوديه
كنتى الاخت والحبيب
والجاي من عمري معاها

كنتي في كل شئ قريبه
ليه دلوقتي تبعيها
ليه ليالي الحب هانت
حتي مشاعر القلب ماتت
وال باقيه بتخبئها
لو مش بايدك اي حاجه
الفرصه ليه بتضيعيها
لسه باقي ليكي ذكرى
جوا مني ومداريها
ايوه راجعلك لاني
لسه انتي عندي غاليه
لسه مكانتك ف قلبي
حد غيرك مش ماليها
ايوه بكتب فيكي شعر

والقصايد حلوه بيكي

دا بجانك بتزنيها

ليه يا قلم

ليه يا قلم خايف وساكت
واقف وعاش دور الحزين
رافض حروفي تتكتب
وبتقتل ف قلبي الحنين
ف لحظه صدق ع الورق
قلب حب وغرق
وقلب طريقه النفاق
ولا انت من الشمتين
رافض مشاعري تتكتب
وكل احلامي تتشطب
واكتب عليها الغرقانين

انا قلبي جواه الحقيقه
وطريق الحب سكتي
رافض وجودي في القصيده
في الحب اكتب غيتي
اوصف عيوني المشتاقين
سجل واكتب ع السطور
خلي شعاع الحب نور
ف الضلمته يونس وحدتي
وتكون قصيده العاشقين
ليه يا قلم خايف وساكت
وعايش دور الحزين
ليه ف الطريق واقف قبالي
كاره حروفي ع الورق
ولا حتى في لحظه انين

مش قاصد أجرك

مكنتش قاصد أجرك

ولا بزود ف العتاب

ولا ناسي يوم كنا احباب

القلب ال حبك عمر

مستحيل ف لحظه كدا يشوهك

بس المره دي قلبي قسي

قلبي نسي انه قلب بشر

مات جواه اصبح حجر

وحالف ليعلمك

يعني ايه قلب حبك

يعني تجرحي انسان

وهو عمره ماصدك
كنتي وياه ف امان
والحنان والولاء
كان واصفه باسمك
جايه دلوقتي
تردي الببان
والحنان يقلب شيطان
والامان كان واخده منك
بكره الايام هتضيعك
لا حب هينفع معاك
ولا هتلاقي ال يسمعك
القلب اللي حبك زمان
هيجب غيرك
وجاي دلوقتي يودعك

لا مستني شماته
ولا حتي ابنه يمشي تاته
وانتي قاعده مطرحك
بس نفسه يسمع وب امانه
ان غيره ها ينفك

مقدرتش

قولت يومين وانسي

وياجي يوم ويبقي حب مات

وادوس ع قلبي واقوسي

وامسحها م الذكريات

واقول خلص اللي ما بينا

لا مراسيل تطمنا

ولا صدقه تجمعنا

واهي بعدت المسافات

يا قلبي ليه تعذبني

وتعاند وتبعدني

وتخلي العند يوعدني

بالنسيان
مقدرتش انسي
اتاري الغد بيخوني
وعلي سيرتها
بكون غيران
يا صبر الصبر صبرني
مانيش صابر ع صبري
وع البعد قدرني
وقولي القرب جايله اوان

من غير تعارف

بيحبها ومكنش عارف
حاسس بحاجه بس خايف
احساس حد ملهوف
بس عمره ماکان ليها هايف
صبح صباحو وع الرزق حالف
لا يعرف حب ولا خلافه
عدت قصاده العين ما شافت
دق قلبه قاله شايف
سمع لقلبه وعاش حكايته
كان يوماتي ف طريقها واقف
مستني نظره من غير ماعارف

ایہ جواہ وحصلت مواقف
حب خطاها ووراها لافف
وصلت مکانها ورجع طریقہ
علشان حبه من غیر تعارف

منتیش حبیبتي

منتیش حبیبتي م النهارده

انتي حبیبتي من زمان

حبي ليكي ما كنش غلطه

بس نسيتي الامان انتي

بعتي قلب حبك

حضر ضمك

ورجعتي تحكي كنا كنا

وحببتي كان

عشتي حياتك بكل وضوح

وكان مافيش موضوع

ومليتني فرحي بالاحزان

فضلتني تدوسي ع قلبي
وتهدي في طموحي
موتي فيا الانسان
كرهت صورته تشبه ملامحك
يلعن دا يوم نطقت اسمك
وقولت بحبك
نفس اللسان اللي نطقها بيلعنك
لو سمعت دلوقتي سيرتك

مهما عملت

مهما عملت ولا قولت
مش ها تسد جميلها عليك
يوم ما تبكي امي ماتت
نعشها ها يضلل عليك
ايدك ليك حاضنه نعشها
والتانيه في هم ليك
وهي فرحانه طايره بيك
وانت ماشي تبكي يامه
مين تاني ها يحس بيا
مين اخويا ومين ابويا
بعدك انتي مين نور عنيا
حتي وانتي في مكانك

كان ف قبرك حنان
كنت حاسس بالامان
كنت سامع وصيتك
ال تصلب حيطان
متشلس هم اللحظة ديا
بكره هيكون ابن ليك
بكره هتشوفني ف عنيه
وانت بتططب عليه
روح يا ولدي
الدنيا مش باقيه لنا
الرضا مش بالكلام
الحنان مش بالعلام
بكره تكبر وما تنسي
ابقي ارمي علي قبري السلام

مين يرجعها

يا ساكنه القلب

وبين الضلوع

تقولي يارب

وانا موجوع

امي يا بيت الدعا

ياللي حمياني

كثير جرحوني وانا

ب دعاكي شفياني

امي يا ضهر اتحني

لجل م تربى

عايزه تشوفي المنى

وبمركبي تعدي
امي يا اخر سفينه
شيلاني بس الفرح
لعد ف ايد امينه
تداوي ال انجرح
دمعي ملي الخدين
عدش حد يمسحها ولا
ولا عارف طريقي لفين
دا انتي ملامحها
بدل الاسف اسفين
نفسى افرحها
سبتيني ياما لمين
يا امين يرجعها

نعيد إزاي

نعيد ازاي

وقلوبنا مالياها الجرح

ننسا اللي راح منا

ونخون العيش والملح

بنضحك علي نفسنا

وننسا الحزن بالفرح

ونقول خيانه مشروعه

والعيد يزيذ الطرح

ااه يالي القبر تواك

وخلي ف بعدك جرح

لا شوفنا بعدك عيد

السكر ب ندوقه ملح

نعيد ازاي

محتويات الكتاب

م	المحتوى	صفحة
1	بطاقة الكتاب	2
2	الإهداء	3
3	نفس القضية	4
4	يافرحه	7
5	يامسؤولين	9
6	إدلى	11
7	إبن بطنى	13
8	أحكم ياقاضى	15
9	إحنا مش إرهاب	18
10	إحنا مش حرس	20
11	آل شمتان	23

26	المغرورة	12
29	إمسك حرامى	13
32	أنا الصعيدى	14
35	أنا المصرى	15
38	إنتى إالى اخترتى	16
40	بكتب لك	17
43	بنت الناس	18
45	جوه القلب	19
47	حبة مشاعر	20
49	من نظرة عين	21
52	محبوس	22
55	ذكريات	23
57	زى زمان	24

59	عد الضحایا	25
61	عیب علیکی	26
63	فاکره یاما	27
66	قلب علیل	28
68	لسه باقی	29
71	لیه یاقلم	30
73	مش قاصد أجرحك	31
76	مقدرتش	32
78	من غیر تعارف	33
80	منتیش حبیبتی	34
82	مهما عملت	35
84	مین یرجعها	36
86	نعید إزای	37